

古文苑

七



古文苑卷第十四

箴

揚雄百官箴

冀州牧

兖州牧

青州牧

徐州牧

揚州牧

荊州牧

豫州牧

益州牧

雍州牧

幽州牧

并州牧

交州牧

百官箴序

左傳襄四年昔周辛甲之為太史也命百官箴王關於虞人之箴曰芒芒禹迹畫為九州經啓九道民有寢廟獸有茂草各有攸勲德用不擾在帝夷異冒于原隰士其國恤而思其鹿牡武不可重用不恢于夏家獸臣司原敢告僕夫於是晉侯好田故魏絳及之范曄編次揚雄以下所作命之曰百官箴蓋取古者官箴王關於之義

初揚雄依虞箴作十二州二十五官箴

漢書揚雄自序

云箴莫大於虞箴故作九州箴按禹平水土別九州後以人物阜繁增置幽并營三州舜典曰肇有十二州是也孔安國注舜分冀州為幽州并州分青為營州又曰咨有十二牧食哉惟時則是州置一牧所以牧養斯民也茲箴無

營州有交州蓋撈漢事以為規戒

其九箴亡闕後涿郡崔駰及子瑗

又臨邑侯劉駒駮增補十六篇胡廣復繼作四篇文甚典美乃悉撰次首目為之解釋名曰百



官箴九四十八篇

此序范曄辭見後漢胡廣傳今所存四十篇曄注不可復見

### 冀州牧箴

洋洋冀州鴻原大陸

洋二平曠兒禹貢既修太原注高平曰太原又大陸既作岳

陽是都

禹貢至于岳陽注太岳在太原西南山南曰陽北州帝都

島夷衣服潺湲

河流夾以碣石

島夷皮服夾右碣石入于河並禹貢

三后愆降列爲

侯伯

三后堯舜禹也五子之歌惟彼陶唐有此冀方言自堯至禹皆都冀也由夏而降則分爲侯國如堯

之後封於唐殷末有黎侯西伯戡之春秋時晉獻公滅耿以賜趙夙滅魏以賜畢萬皆古國之在北冀者

降周之末趙魏是宅冀土糜沸炫沍如湯更盛

更襄載從載橫

威烈王時三卿分晉天子命趙籍魏斯爲諸侯自此戰國爭強從橫之說

迭爲勝負陪臣擅命天王是替

陪臣謂平原信陵輩也各擅國命不復知有周

趙魏相反秦拾其弊

趙魏相攻秦乘其弊而滅之拾言其易也北築長城恢

夏之場

蒙恬傳秦北築長城起臨洮至遼東延袤萬餘里北禹貢冀州之疆域則恢拓矣

漢興

定制改封藩王

張耳高祖子如意子友皆封王於趙

仰覽前世厥力

合作孔多初安如山

謂虞夏時後崩如崖

謂戰國時故治不

忘亂安不遺危周宗自怙云焉有予隳六國奮

矯果絕其維牧臣司冀敢告在階

在階猶在庭官箴王闕不

敢斥至尊故托以告在庭之臣

### 兖州牧箴

悠悠濟河兖州之寓九河既道雷夏攸處

禹貢濟河

惟兖州九河既道雷夏既澤注河水分爲九道在此州界雷夏澤名草繇木條漆絲締紉



濟漂既通降丘宅土以上並見禹貢成湯五徙卒都于亳

書序自契至于成湯八遷湯始居亳從先王居盤庚北渡牧野是宅按書序

遷將治亳陰史記盤庚南渡河復居成湯之故居此云北渡宅牧野未詳孰是丁感雉雉祖已

伊忠爰正厥事遂緒高宗書高宗彤日越有雉雉祖已曰惟先格王正厥

事丁武丁也言因鼎雉之異其目祖已納忠於君克纘湯緒号稱高宗厥後陵遲顛覆

湯緒其後祖甲淫亂殷復衰西伯戡黎祖伊

本奔走致天威命不恐不震事具西伯戡黎篇

命在天且不知婦言是用牝雞是晨見牧誓三仁既

知武甲不戎殷論語微子去之箕子為之奴比干諫而死孔子曰殷有三仁焉言殷之喪亡三

仁已先知之禮記武王壹戎而天下大定牧野之禽豈復能耽甲子之朝

豈能復以笑紂好酒淫樂為炮烙之刑姐已笑武王以有

國雖久殷有天下六百餘年必畏天咎有民雖長必懼人殃

箕子歎欻厥厥居為墟箕子過故殷虛感宮室毀壞生禾黍作麥秀之詩以悲傷之

牧臣司寇敢告執書猶尚書也

### 青州牧箴

茫茫青州海岱是極鹽鐵之地鈎松怪石群水

收歸葦不夷作牧貢篚以時莫怠莫違禹貢海岱惟青州厥

貢鹽緜鈎松怪石萊夷作牧厥篚縶絲昔在文武封呂於齊厥土塗

泥在丘之營五侯九伯是討是征文王得呂尚於渭濱号曰

太公望武王克殷封之於齊營丘命之曰五侯九伯若實征之以夾輔周室馬殆其銜御失



其度後國叛命上之周室荒亂小白以霸諸侯僉

服復尊京師周室權傾傾壞齊侯小白始小白既沒

周卒凌遲嗟茲天王附命下土億兆生人之失其法度

喪其文武言文不能前命有功牧臣司青敢告執矩

### 徐州牧箴

海岱伊淮東海是渚徐州之土邑于蕃宇禹貢

及淮惟徐州說文堯遭洪水民居水中高土故名大野既

渚有羽有蒙孤桐蠙珠泗沂攸同大野澤名蒙羽

名嶧山之陽特生桐中琴瑟實列蕃蔽侯衛東方齊

淮夷二水出蠙珠並禹貢注民好農蠶大野以康帝癸及

辛不祗不恪沈湎于酒而忘其東作天命湯武

勦絕其緒祚言東方之民自古以農桑為務癸桀名

收都周封姜太公呂尚於齊其後平公時田常專政盡瑯琊姜姓絕苗田氏

三世至田和篡齊事由細微不慮不圖禍如丘山

本在萌芽言田敬仲來奔其始甚牧臣司徐敢告僕

夫伯罔為周太僕

正僕八目之長

### 揚州牧箴

矯矯根州言風俗江漢之滸州境距江彭蠡既瀦陽

鳥攸而橘柚羽貝瑤琨篠簜禹貢注彭蠡澤名



月居於此澤羽鳥羽毛貝水物  
瑤琨皆玉名篠竹箭箠大竹  
閩越北垠今福建交廣地在此州之

南故云沅湘攸往二水名獷一作獷矣淮夷蠢蠢荆

蠻周成王嘗征淮夷商高宗嘗伐荆楚皆在州境扁彼昭王南征不旋人咸

躓於埤莫躓於山咸跌於汙莫跌於川明哲不

云我昭童蒙不云我昏童蒙論愚昧言湯武聖

而師伊呂桀紂悖而誅逢干蓋邇不可不察遠

不可不親翻輕揚貌周昭王南巡狩至漢未濟舟解而溺箴言人情慮艱險則安泰忽平易則陷危

昭王當成康太平之後輕忽自肆亡乃相不泄邇不忘遠之心遂喪身外服為天下笑靡有孝而逆

父罔有義而忘君太伯遜位基吳紹類夫差一

誤太伯無祚周室不匡勾踐入霸太伯遜位而逃順父也武

開吳國夫差恃強連兵上國無君也卒底滅亡越滅吳王室不能正之勾踐遂入中國而稱霸當周之隆

越蒙重譯越蒙南海國名成王時重九譯來貢春秋之末侯甸叛逆君

盛則遠人至君道衰則邇臣離元首不可不思股肱不可不孳虞

子思曰教二君心也主於內故當思目股肱也宣力四方故當勤致與華同堯崇一作勤屢省舜盛欽

謀書屢省乃成欽哉牧臣司揚敢告執筭運筭詩惟惺之目

### 荊州牧箴

杳杳一作幽巫山雲夢澤中山其峯十二在荆之陽江漢朝宗其

流湯湯夏君一作右遭鴻荆衡是調雲夢塗泥

禹貢荆及衡陽惟荆州江漢朝宗于海注二水經此州而入海百川以海為宗雲土夢作又厥土惟塗泥包匭

菁茅匭匭也菁以爲菹茅金玉砥礪象齒元龜



貢篚百物。世世以饒。貢篚之物自古饒裕戰戰慄慄至

桀荒溢曰：我在帝位，若天有日不順，一作填庶國孰

敢余奪。尚書大傳桀曰：天之有日猶吾之有民，日有亡哉，日亡吾亦亡矣。所為拂於人心，肆行不顧，自謂莫予奪也。亦有成湯果秉其鉞，史記湯自把鉞以放之

南巢號之以桀。書疏：南巢南方遠國，名謚法賊人南多殺曰桀，放之遠方加以惡名。南

巢茫茫包一作多楚與荆。荆，牡荆也。楚，荆之翹者。土多此木，因以名州。風慄

以悍氣銳以剛，有道後服，無道先強。公羊傳：師在召陵，喜服楚也。何言乎喜服楚？楚有王者則後服，無王者則先叛。世雖安平，無敢逸豫，牧

臣司荆，敢告執御。

豫州牧箴

郁郁荆河，伊雒是經。榮播一作波泉濼，論語：郁乎文哉。豫州成周，故都風俗文采。禹貢注：西南至荆山，北距河水。伊出陸渾山，洛出上洛山，榮澤波水已成，遏豬又厥貢漆泉。惟用

一作收。成田田相架，廬廬相距。言人物蕃阜。夏殷不

都成周，攸處豫野。所居爰在鶉墟，成王命召公卜洛是為成

周至平王東遷，徙居洛邑。漢地理志：周地，柳七星張之分野也。自柳三度至張十二度，謂之鶉火之次。四隩

咸宅，寓內莫如。洛邑居天下之中。陪臣執命，不慮不圖。王

室陵遲，喪其瓜牙。靡哲靡聖，捐一作稍失其正方。

伯不維韓，卒擅命。言周之末，其君目無謀而方伯之職又廢，故韓得以擅其命。史記：東

周與西周戰，韓救西周。或為東周，說韓王曰：西周故天子之國，多名器重寶。王按兵無出，可以德東周而西周之寶

必可以盡矣。文武孔純，至厲作昏。成康孔寧，至幽作傾。



純明也文武成康之業光明安固至厲王而昏故有天下  
晦至幽王而傾士大夫之難遂東遷于成周

者母曰我大莫或余敗母曰我強靡克余亡夏

宅九州至于季世放于南巢成康太平降及周

微帶蔽屏營言衰微不能自存僅自障蔽恐惕不安屏營不起施于孫

子王赧為極實絕周祀史記周君王赧卒秦甲九鼎寶器後七歲東西周皆

入于秦周既不祀注既盡也牧臣司豫敢告柱史周有柱下史法官也

益州牧箴一作梁州武帝改梁為益

巖巖良山古曰梁州華陽西極黑水南流禹貢華陽

黑水惟梁州注東據華山之南西距黑水茫茫洪波鮌堙降陸于時八都

厥民不隩禹導江沱岷嶓啓乾鮌堙洪水不知導其源故八

州之民皆不得宅土安居禹自岷山導江東別為沱自嶓冢導漾東流為漢皆從其源而疏淪之故自此啓乾水患以平

遠近底貢磬錯砮丹厥貢璆鐵銀鏤砮錯砮石族華陽國志靈關道江山有砮火

燒成鐵丹丹砂也出巴郡涪陵又出蜀郡徙縣絲林條暢有粳有稻自京祖畛

民攸溫飽地有桑麻穀稻之利民賴以溫飽自王畿至梁外境遠近如一帝有桀紂酒沈

頗僻遏絕苗民滅夏殷績雍州三危既宅三苗丕叙孔穎達疏三危西裔之山也鄭玄引

地記書云三危山在鳥鼠之西南當岷山則是三苗之國境接梁州夏殷之末苗民負固不服致使梁州道路遏絕不通

於中國禹湯之績至是絕滅爰周受命復古之常商頌自彼氏羌莫敢不來王曰

商是常氏羌皆西夷也桀居梁州之境商末皆畔至周興梁州盡歸土化復夏殷朝貢之常幽厲夷業

破絕為荒周至幽厲土業陵夷此州廢絕為荒服秦作無道三方潰叛

義兵征暴遂國于漢三方三川也高祖起義兵以誅暴亂開國于漢言始基於



梁州拓開疆宇恢梁之野列為十二光羨虞夏之境  
高帝置廣漢郡武帝通巴蜀開卷七夷地置犍為越雋益州  
牂柯武都沈黎文山七郡并秦時漢中巴蜀龍西四郡共  
列為十二比虞夏封域為光羨矣  
牧臣司梁是職是圖經營盛業  
歷觀前代盛衰不常如此今漢別取告士夫  
梁為十二郡可謂盛矣當慮其衰

### 雍州牧箴

黑水西河禹貢注西距黑水東橫截一作崑崙邪

指閭闔畫豈為雍垠豈崑崙山在一西羌中地極高處北極

西則橫截地樞北則邪指上帝所居閭闔天門也此州之境

天門言居高據形勝之要上侵積石下礙龍門禹貢

石山在金城西南河所經也龍門山在河東之西界侵猶際也自彼氏羌莫敢不來庭

莫敢不來臣見商頌殷武詩此州不言貢每在季王

常失厥緒侯紀不貢荒侵其寓言商周陵遲衰

微秦據以戾興兵山東六國顛沛當周末造秦

行其暴戾用上帝不寧命漢作京秦為無道故上

漢都之爰作京邑一本作涼漢地隴山以徂則為隴西張掖等郡南排勁越北啓疆胡并

連屬國一護攸都武帝時平上南越分其地為九郡北

張掖等郡分處降者於河南因其俗置屬國其官有典屬國有都尉宣帝又置都護使并護諸國蓋安不

忘危盛不諱衰銘言所以置官統護者牧臣司雍敢

告贅衣周有綴衣掌王衣服皆左右近臣

### 幽州牧箴



蕩蕩平川惟冀之別

地勢平則川陸皆平此州冀之北境水土既平之後別為幽州

北阨幽都戎夏交逼

堯典宅朔方曰幽都此州之境距朔方幽陰之地故名幽州戎

北狄也獫狁薰鬻皆是此狄中夏之界其地相逼

伊昔唐虞實具為平陸

五服之內

周末荐臻迫于獯鬻

西周之末幽王敗於犬戎即獯鬻也晉

溺其陪周使不阻

三卿分晉趙籍據有此地諸侯之御於天子為陪且是時周之使命

猶通六國擅權燕趙本都

六國皆號稱王燕都薊趙都邯鄲皆幽州境

東限穢貊羨及東胡

穢貉東胡皆東夷國此州之東境距之疆素北

排蒙公城壇

秦北却匈奴命蒙恬築長城以拒之

大漢初定介狄之

荒元戎屢征如風之騰義兵沙漠偃我邊萌既

定且康復古虞唐

漢匈奴傳諸侯畔秦天下擾亂匈奴復渡河南與中國界於故

塞至武帝時命大將軍衛青連年北伐匈奴遠遁幕南無王庭言自此邊民得以安居而漢之竟土遂復唐虞之舊

如得休屠王昆邪王故地以為張掖敦煌郡是也

盛不可不圖衰不可或忘

隄潰蟻穴器漏箴芒

言中國雖盛當為永圖夷狄雖衰當防其患禍敗之形常

起細微不可忽易

牧臣司幽敢告侍傍

并州牧箴

雍別朔方河水悠悠

此言雍別朔方孔安國書注以為舜分冀州為幽州并州

按雍境東距西河今并州跨河而有之則兼析雍冀二州境上明矣

北辟獯鬻南東涇流

北辟戎狄於州境之外南距涇水書涇屬渭汭本雍州境也

畫茲朔土正直幽方

正與

幽州相直

自昔何為莫敢不來貢莫敢不來主

言夏殷以前

周穆遐征大戎不享

匈奴傳周道衰穆王伐玁狁得四白狼四白鹿以歸自是



之後荒服不至爰一作貌伊德侵玩上國宣王命將攘之

涇北宗周罔職日用爽蹇戎狄由是藐視中國以爲德不足以服之肆其

侵玩宣王中興僅能驅逐之涇北而已并州竟土自此不入周之職方詩曰薄伐獫狁至于大原是也蹇七何反蹇

也既不俎豆又不干戈犬戎作亂斃于驪阿也

文也干戈武也言周宣王以後文德既不足以懷遠武功又不足以定亂至于幽王遂爲犬戎所攻殺死驪山之下

太上曜德其次曜兵德兵俱顛靡不悴荒申述前意

以警後王牧臣司并敢告執綱

### 交州牧箴

交州荒裔水與天際在揚州外境交廣之地堯典所謂宅南交蓋荒服夷裔之所居

南與海接越裳是南荒國之外爰自開闢不羈一作

不絆周公攝祚白雉是獻越裳氏又在交州之南自古未嘗通中國至成

王時周公攝政始重譯來獻白雉昭王陵遲周室是亂越裳絕貢荆

楚逆叛史記昭王瑕康王子也昭王之時王道微缺南巡遂伐楚涉漢未濟舟解而溺四國內侵蠶食周宗臻于季報遂

以滅亡言遠人不至則蠻夷叛蠻夷既叛則諸侯侵侮卒底陵夷以亡其國大漢受命中

國兼該南海之宇聖武是恢稍稍受羈遂臻黃

支抗海三萬來牽其犀盛不可不憂隆不可不

懼漢興中國境土皆爲郡縣惟兩越未臣至孝武時恢拓疆宇始平南越以其地爲九郡又遷閩粵之民而

虛其地於是海外黃支國抗海三萬里來貢生犀可謂中國極盛之時盛極則必衰安可忘其戒懼顧瞻陵

遲而忘其規摹亡國多逸豫而存國多難逸豫則生

遲而忘其規摹亡國多逸豫而存國多難逸豫則生



驕荒多難則知警懼孟子曰出則無敵國泉竭中虛池竭外患入則無法家拂士者國恒亡難去声泉竭中虛池竭

瀕乾泉水之源中虛則竭池水之涸外乾則竭交州猶池之瀕也以諭衰敗之萌各有其證用詩召旻之詞

### 牧臣司交敢告執憲

## 古文苑卷第西

古文苑

十一

風



古文苑卷第十五

揚雄百官箴

光祿勳箴

衛尉箴

太僕箴

廷尉箴

大鴻臚箴

宗正箴

大司農箴

少府箴

執金吾箴

將作大匠箴

城門校尉箴

上林苑令箴

司空箴

太常箴

尚書箴

博士箴

光祿勳箴

漢書百官表郎中令秦官掌宮殿掖門戶武帝太初元年更名光祿勳屬官有大夫郎謂者大夫掌議論郎掌守門戶謂者掌賓讚受事

經北宮室畫為中外廊殿門闥限以禁界國有

周衛

周官有周廬之衛謂衛士之廬舍周匝王宮也

民有蕃籬各有攸保

守以不岐

岐猶實也一作敗

昔在夏殷桀紂淫酒特牛之

飲

劉向新序桀為酒池糟隄縱靡之樂一鼓而牛飲者三千人三輔黃圖秦酒池在長安城中飲者皆抵牛

飲特字當作抵謂以手據地如牛

門戶荒亂郎雖執戟謁者參差

備負執戟以待賓謁不肅出入無度

殿中成市或鼓或鞞忘其廊廟而

聚夫逋逃四方多罪載號載呶

書太誓惟四方之多罪逋逃是



豈是長是信是使蕩詩曰式號式呼俾晝作夜  
人立朝議士充庭有德進則公論明朝廷肅祿臣司光敢告執  
經經綱也

### 衛尉箴

衛尉秦官掌宮門衛屯兵屬官有司馬衛士旅賁三令丞

茫茫上天崇高其居設置山險畫為防禦易天險不

可升也地險山川丘陵也王公設險以守其國重垠一作累垠一作累垠以難不律闕

為城衛以待暴卒易重門擊柝以待暴客國以有固民一作

以有內各保其守永修不敗維昔庶僚官得其

人荷戈而歌中外以堅庶僚謂宿衛庶官如成周宮伯宮正虎賁太僕司隸

之職歌字疑是趨字旅賁氏掌執戈盾夾王車而趨或曰歌謂衛士優閑而和樂中謂王在宮則有居衛外謂王出則有行衛皆堅

密而整備齊桓林惕宿衛不飭一作勅門非其

人戶廢其職齊桓休惕於功利作內政之法而成周有衛之制盡廢曹子攄

劍遂成其詐公羊傳莊十三年公會齊侯盟于柯升壇曹子手劍而從之願請汶陽之田桓

公與之盟曹子攄劍而去之曹劌也劫桓而要盟軻挾匕首而衛人不寤史記

荆軻持匕首逐秦王群臣皆愕二世妄宿敗於望夷閭

樂矯搜戰者不誰史記二世齊於望夷宮趙高與其皆圍樂謀詐為有賊將吏卒千餘

人至望夷宮殿門斬衛令直將吏入郎官者尉臣司衛敢

告執維維維也

### 太僕箴



太僕秦官掌輿馬應劭曰周穆王所置也書序穆王命伯冏為周太僕正

蕭蕭太僕車馬是供鏘鏘和鸞車上鈴也詩和鸞鏘鏘左傳錫

駕彼時龍易時乘六龍以御天王駕六馬故借用周禮馬八尺為龍昔在上帝

巡狩四宅謂時巡至于方嶽之下王用三驅前禽是射易

禮不合圍也紂作不令武王征殷檀車孔夏四

駟孔昕大明詩牧野洋二檀車煌二駟駟彭二涼彼武王肆伐大商疏檀木之兵車駟駟馬赤色黑鬣

也檀弓亦言戎事乘駟因僕夫執轡音條轡也詩武王所乘遂為一代常法載駟我輿云安我馬惟閑雖馳雖驅匪逸匪逐

以上言車馬皆昔有一作淫羿馳騁忘歸羿好馳騁有法度如此

景公千駟而淫於齊論語齊景公有馬千駟民無德而稱焉

詩好牡馬牧於駟野輦車就牧而詩人興魯魯頌

仲尼厚醜醜類也問人而不問馬斯藏此詩贊美魯僖公雖名為頌實猶興也既焚問人

多肥馬而野有餓殍方九反斃也孟子作孽僕臣司駕敢告

執皂皂隸也左傳臺臣皂

### 廷尉箴

廷尉秦官掌刑辟景帝更名大理復為廷尉

天降五刑惟夏之績書天討有罪五刑五用哉言天設此五刑而制其輕重惟夏禹之功

亂茲平民不回不辟治亂曰乱回僻皆邪也辟與僻同昔

在蚩尤爰作淫刑延于苗民夏氏一作不寧禹

故穆王訓夏贖刑



苗於絕其世見呂刑之書

穆王老荒南侯伊謀五刑訓天周以

阜基呂刑惟呂命王享國百年老荒度作刑以詰四方訓天謂稱天以訓刑也觀其書可見呂侯後為甫

侯故或稱甫刑禮記九制五刑必即天論也厥後凌遲上帝不觚論語觚不

觚取其形制之觚後因以為名叔世任情漫焉無法猶觚之不觚也天監在上亦不觚之矣周輕其

制秦繁其辜五刑紛紛靡遏靡止寇賊滿山刑

者半道漢刑法志秦用商鞅造參夷之誅增加肉刑至於始皇專任刑罰姦邪並生精衣塞路天下愁

怨潰而叛愷昔唐虞象刑天民是全書方施象刑惟明揚

紂作炮烙墜民于淵劉向列女傳紂為炮烙之法膏

是剝是剖一作割惟虐惟殺人莫予柰殺以刑顛秦

以酷敗獄臣司理敢告執謁主賓客

### 大鴻臚箴

典客秦官掌諸侯歸義蠻夷武帝更名大鴻臚

蕩蕩唐虞經通域極論語蕩蕩乎民無能名焉陶

陶百王天工人力書天工人其代之畫為上下羅一作條

百職人有材能察有級差遷能授官各有攸宜

主以不廢官以不墮昔在三代二季不蠲夏商

謂桀紂不蠲言昏濁也穰德慢道署非其人署謂建人失

其材職反其官采察荒耄國政如漫文不可武

武不可文言文武之職各有攸司大小上下不可奪倫鴻臣



司馬敢告在隣君之左右虞書欽四隣

### 宗正箴

宗正秦官掌親屬周成王之時彤伯為宗伯

巍巍帝堯欽親九族論語魏二乎其有成功堯經

哲宗伯禮有攸訓虞書伯夷為秩宗成王時彤伯為宗伯皆掌禮之官屬有攸

籍各有育又子世以不錯育與胃同義書注胃長也說文引教胃子作教育子胃子

正則世系不紊亂言國家之本所繫昔在夏時太康不恭有仍二女五

子家降太康夏啓子也盤于遊田焉昇所逐不得返國五子太康五弟也詳見書五子之歌家降謂太康失邦五子皆

降而為家楚詞夏康娛以自縱不顧難以晉獻悖統宋宣

亂序晉獻公惑於驪姬太子申生遭譖而自殺晉立奚齊卓子皆遇弒宋宣公舍其子而立弟繆公齊

桓不胤而忘其宗緒齊桓公無嫡嗣多內寵及卒立嫡繼是忘其宗統也周譏戎女周襄王以翟女為后翟入周王出奔鄭魯喜子同

魯桓公六年子同生公羊子曰喜有正也高作秦崇而扶蘇被凶宗廟荒

墟竟靈靡附秦始皇死於沙丘趙高矯詔賜太子扶蘇死而立胡亥秦以亡伯臣司

宗敢告執主掌宗廟之木主者

### 大司農箴

### 大司農箴

治粟內史秦官掌穀貨景帝更名大司農令武帝更名大司農屬官有太倉均輸平準

都內籍田五令丞

時惟大農爰司金穀自京徂荒粒民是斛由

子之都至荒服養民肇自厥初實施惟食厥



僚后稷有無遷易

唐虞時并居稷官書懋遷有無化居

實均實高胤惟

都作程旁求衣食厥民攸生上稽二帝下閱三

王什一而征為民作常遠近貢篚百姓一作不

忘貢助徹皆什一也是為經常之法篚什一之外則有貢篚之物以遠近為差見禹貢帝王之盛

咸在農殖季周爛漫而東作不勅膏腴不穫庶

物並荒自周宣王不籍千畝是後人君不知務農重穀時則有楚茨甫田等刺詩府藏單虛

靡積靡倉藏去声公劉詩迺積迺倉陵遲衰微姬卒以痒痒病也

秦收太半二世不瘳泣血之末海內無聊秦廢井田

之法收太半之賦二世而亡民罹荼毒至於泣血農臣司均敢告執繇與繇同役也

### 少府箴

少府秦官掌山海池澤之稅以給供養

實實少府奉養是供紀經九品臣子攸同言上

養一人與下以廩給百官財用實相通海內幣帑祁祁如雲家有孝

子官有忠臣共僚率舊聖則越遵聖立則度所當遵守越與粵同

民以不擾國以不煩昔在帝季癸辛之世酒池

糟隄而象箸以噬癸祭名辛紉名二君淫酒以酒為池積糟為隄又紉為象箸而箕子嗜

至於耽樂流酒而妲末作祟妲已末喜祭紉之嬖妾共察采

御不恢夏殷喪其國康而卒以陵遲嗜不可不

察欲不可不圖未嘗失之於約常失於奢府臣

司共敢告執觚共與供同觚酒器有稜者



執金吾箴

中尉秦官掌徼循京師武帝更名執金吾應邵曰吾禦也執金華以禦非常顏師古曰金吾鳥名也主辟不祥職主先導執此鳥之象因以名官

溫溫唐虞重襲純敦經表九德張設武官

楊子溫二

乎其和可知言重熙累洽之世武臣亦不可廢虞書九德咸事俊乂在官以御寢賊如虎有

牙如鷹有爪

詩祈父王之爪

國以自固獸以自保牙爪

蕙蕙動作宜時用之不理實反生灾

蕙二錫利貌言威武

不可輕用秦政

始皇名暴戾播其威虐亡其仁義我而思

其殘酷猛不可重任威不可獨行堯咨虞舜惟

思是尚

思字當作敏

吾臣司金

據此則應耶之說是

敢告執璜

將作大匠箴

將作少府秦官掌治宮室景帝更名將作大匠

侃侃將作經構宮室墻以禦風宇以蔽日寒暑

攸除鳥鼠攸去

詩斯于風雨攸除鳥鼠攸去

王有宮殿民有宅居

上下俱欲得其安

昔在帝世茅茨土階夏甲宮觀在彼溝

洫

堯舜之世茅茨不剪土階三尺桀作瑤臺紂為琤

一作琤室人力不堪而帝業不卒

王飾其居詩詠宣

王由儉改奢

詩斯于宣王考室也其詩曰桀室百堵西

之制也觀豐上六大屋小家

易豐卦上六豐其屋節其家

春秋譏

刺書彼泉臺兩觀雉門而魯曾以不恢

春秋文十六年毀泉



臺定二年新作雉門及或作長府而閔子不仁論語

兩觀公羊子皆曰譏為長府閔子曰何必改作蓋秦築驪阿嬴姓以顛秦役

譏其廣府庫為富不仁也山又築阿房宮未成而秦亡史記秦之先是為柏翳舜賜姓嬴氏故人君無去我貴穰

題是遂母云我富淫作極遊在彼墻屋而忘其

國戮作臣司匠敢告執猷

### 城門校尉箴

城門校尉尉掌京師城門屯兵有司馬十二城門候

幽幽山川徑塞九路盤石唐芒襲險重固此天

然之國有城溝家有柝柝各有攸堅民以不虞

大小各有所宜德懷其內險難其外王公設險而承以

盤蓋易坎卦王公設險以守其國盤所以藉其下蓋所以

之有盤蓋不獨恃城池以為險昔在上世有殷有夏言夏殷先哲

之子孫癸辛不德而設夫險阻湯武爰征而莫

遏莫禦說苑吳起對魏武侯曰夏桀之居左河濟右太

殷紂之國左孟門右太行常山在其北大河經其作君之

危書無安厥位惟危不可德少而城溝伊保不可德希

而城溝是依唐虞長德而四海永懷秦恢長城

而天下畔乖秦逆天地而為尉臣司城敢告侍階

### 上林苑令箴

武帝初置水衡都尉掌上林苑屬官有上林令丞



茫茫大田芄芄作穀山有征一作陸野有林麓

夷原污藪禽獸攸伏魚鼈魚以時芻蕘咸殖國以

殷富民以家給言山澤之利古之有國者與民共之孟子文王之囿方七十里芻蕘雉兔

者牲昔在帝舜共田徑游舜乃奪民利以山澤供一人之游田共與供通

徑謂往來馳逐於其間弧矢是尚而射夫封猪不顧於愆卒

遇後憂即虞箴所述是以田獲三驅不可過差

易田獲三品又王用三驅言田雖貴於有獲不可廢三驅之禮合圍而過取麇鹿攸伏不如

德至靈臺詩言文王有靈德也衡臣司虞敢告執指

### 司空箴

古官虞書伯禹作司空馬融曰主司空土以居民

普彼坤靈俾天作則坤之廣配乾之大分制五服劃

為萬國黃帝分封諸侯得百里之國萬區禹平水土弼成五服謂天子之畿外別為甸侯要荒蠻服也

乃立地官空惟是職茫茫九州都鄙盈區周禮四縣

為都注都之所居曰鄙網以群牧綴以方侯古者州置牧以統之故曰綱又

聯以方伯諸侯之職烈烈雋乂翼翼王臣臣當其官官宜其

人九一之政孟子請野九一而助即井地之政也七賦以均揚子法言七賦之所養注

七賦五穀桑麻昔在季葉班祿遺賢培克充朝班與頌同孟子周室

班爵祿又培克在位而象恭滔天書靖言庸違象恭滔天注貌象恭敬而心傲狠若漫天

匪人斯力匪政斯勅所任者非人所修者非政流貨市寵而苞

苴是鬻苞苴四明苞裹以充賄賂也說苑湯得旱之詞曰苞苴行邪王路斯浮



孰不傾覆空臣司土敢告在側

### 太常箴

奉常秦官掌宗廟禮儀景帝更名太常師古曰太常王者之旗畫日月焉禮官奉持之故曰奉常後改太常尊大之義也

翼翼太常寔為宗伯穆穆靈祇寢廟弈弈

孔碩新廟奕二注稱秩元祀班于群神各稱其宜而奕二佼美也

我祀既祗我粢孔蠲匪愆一作匪忒公

尸又君攸宜宗廟祭祀有尸有祝弗祈弗求惟德之

報不矯不誣庶無罪悔祭祀以祗敬為主所以報德非為祈福周詩后稷肇

昔在成湯葛為不吊棄禮慢祖孟

葛伯不祀湯使人遺之牛羊葛伯食之又不祀故湯征之夔子不祀祝融與鬻熊

魯人躋僖臧文不悟文二年有

躋僖公三傳皆云逆祀也孔子曰藏文仲不仁者三不知者三躋僖公居其一文隳太室相納郛

賂文十三年太室屋壞桓二年取郛大鼎于宋納于灾降

二宮用誥不祧春秋哀三年五月辛卯桓宮僖宮災

故聖人在位無曰我貴慢行繁

祭無曰我材輕身恃巫東鄰之犧牛不如西鄰

麥魚易東鄰殺牛不如西鄰之禴祭注東鄰謂紂西鄰謂文王何休公羊傳注夏曰禴薦尚麥魚

秦殞望夷見衛尉隱斃鐘巫魯隱公祭鐘巫館于蕩氏為賊所斃

常臣司宗敢告執書



尚書箴

漢官儀尚書唐虞官也龍作納言詩云仲山甫王之喉舌秦改稱尚書漢亦尊

此官典機密也

皇皇聖哲允勅百工命作齋慄龍為納言

見舜典

是機是密出入朕命王之喉舌

見詩

獻善宣

美而讒說是折我視云明我聽云聰載夙載

夜惟允惟恭

言且能開明善道折絕讒邪則人主視聽聰明書朕聖讒說殄行命汝作納言

夙夜出納朕命惟允

故君子在室出言如風動於民人

易繫辭君

子居其室出其言善則千里之外應之

渙其大號而萬國平信

易渙卦

汗其大號

春秋譏漏言

春秋文六年晉殺其大夫陽處父穀梁傳曰君漏言也

易

稱不密則失臣

繫辭亂之所由生也則言不密則失臣

允吉其和

巽吝其頻

易允初九和允吉巽九三頻巽吝其頻巽吝其頻為口舌巽主申命也

書稱其明申申

厥鄰

見益稷篇

昔秦尚權詐官非其人符璽竊發而

扶蘇墮身一姦愆命七廟為墟

秦以官者趙高行符璽事及始

皇崩詐為璽書賜扶蘇死卒以亡秦

威福同門牀上維辜

易巽在牀下此言牀

上謂命令始制未宣布之時於此不謹寔基禍亂

書臣司命敢告侍隅

博士箴

博士秦官掌通古今秩比六百石負多至數十人武帝置五經博士

洋洋三代典禮是脩

史記禮書洋洋二美德乎觀

畫

為辟雍國有學校侯有泮宮

王制學天子曰辟雍諸侯曰泮宮



各有攸教德用不陵

不借也

昔在文王經啓其軌

詩經始靈臺於樂辟雍

聃于德音而思皇多士多士作楨惟

周以寧

詩大雅頌其德音又思皇多士生此詩大雅頌維周之楨濟二多士文王以寧

國人興讓

虞芮質成

詩虞芮質厥成注虞芮之君相與爭田往質于西伯入周境見國人皆讓遂以所爭田為

間田

公劉挹行潦洒濁亂斯清

篤公劉洞酌皆召康公戒成王

之詩其辭曰洞酌彼行潦挹彼注茲可以濯漑

官操

一作慘所斬切執扶也

其業士執其

經昔聖人之綏俗莫美於施化故孔子觀夫大

學而知為王之易易

禮鄉飲酒孔子曰吾觀於鄉而知王道之易也禮行於鄉

故云

大舜南面無為而衽席平

舜恭己南面不下帝而天下平

還師階級之

一本無級之二字

間三苗以懷

虞書班師振旅帝乃誕敷

文德舞千羽于兩階七旬有苗格

秦作無道斬決天紀漫彼王迹

而坑夫術士詩書是泯家言是守俎豆不陳而

顛其社稷

始皇絕滅三代之禮學坑儒焚書存而不毀者惟秦之圖籍

故仲尼不

對問陳而胡筮是遵

一作道論語衛靈公問陳對以俎豆之事左傳哀十一年

衛孔文子之將攻大叔也訪於仲尼曰胡筮之事則嘗學之矣甲兵之事未之聞也注胡筮禮器名夏曰胡周曰筮

原伯非學而閔子知周之不振

左傳昭十八年周原伯魯不說

學閔子馬曰周其乱乎大人患失而惑又曰可以無學於是乎下陵上替能無乱乎注原伯魯周大夫

儒臣司

典敢告在賓

古文苑卷第十五







